

✠ Ego Hubaldus presbiter Cardinalis titulo Sancte Crucis
in Ierusalem ss.

✠ Ego Albertus Presbiter Cardinalis titulo sancti Laurentii
in Lucina ss.

✠ Ego Willelmus presbiter cardinalis titulo sancti Petri ad
Vincula ss.

✠ Ego Boso presbiter Cardinalis sancte Prudentiane titulo
pastoris ss.

✠ Ego Petrus presbiter Cardinalis titulo sancti Laurentii
in Damaso ss.

✠ Ego Iacintus Diaconus Cardinalis sancte Marie in Cos-
mydyn ss.

✠ Ego Aldicio Diaconus Cardinalis sancti Theodori ss.

✠ Ego Cinthys Diaconus Cardinalis Sancti Andriani ss.

✠ Ego Manfredus Diaconus Cardinalis Sancti Georgii ad
velum aureum ss.

✠ Ego Hugo Diaconus Cardinalis sancti Eustachii iuxta
templum Agrippe ss.

✠ Ego Petrus Diaconus Cardinalis Sancte Marie in Aquiro ss.

Datum Beneventi per manus Gerardi Sancte Romane ec-
clesie Notarij viiii. kal. Decembris Indictione III. Incarnationis
dominice anno M.C.LXIX. Pontificatus vero domini alexandri
pape iij. Anno undecimo.

Arch. di Stato di Palermo — Tabulario Vesc. di Cefalù, perg. N. 14.

L.

1169, Decembre, Ind. III.

Tustano, vescovo di Mazzara, esonera dalle decime ecclesiastiche il
Casale di Corubrichi, donato da Matteo, regio vicecancelliere, al Mona-
stero da lui fondato in Palermo.

In nomine Dei eterni et Salvatoris nostri Iesu Christi. Amen.
Anno ab incarnatione eius MCLXIX regni vero domini nostri

Willelmi Dei gratia magnificentissimi et gloriosissimi regis Sicilie ducatus Apulie et principatus Capue anno quarto feliciter, amen. Tustanus (a) dei gratia mazariensis episcopus humilis et indignus. Episcopali officii consideratione monemur, novis monasteriis de temporalium rerum facultatibus nobis a Domino concessis misericorditer providere, et pietatis porrigere dexteram sanctis et venerabilibus locis, ut personis ad laudem Dei, et ad magnificentiam Divini cultus congregatis non desint subsidia temporalium, quarum meriti in eterna tabernacula recipi et confidimus et speramus. Note siquidem veritatis est, virum spectabilem et illustrem dominum Mattheum domini regis vicecancellarium propriis sumptibus edificasse Monasterium titulo sancte Marie de Latinis intra muros Panormitane civitatis, a Domino imperpetuum conservande, in qua religiosum collegium sanctimonialium collocavit, et quoddam Casale nomine Corubrichi imperpetuum eidem loco venerabili, religiosa liberalitate obtulit et concessit. Quod Casale quoniam infra ambitum Parrochie nobis a Domino commisse continetur, unde ex eo decimationem annuam de jure ecclesiastico recipere solebamus; nos pietatis obtentu et misericordie consideratione eandem decimationem consensu fratrum et canonicorum nostrorum illi sanctarum virginum collegio predicto, videlicet Monasterio Sancte Marie de Latinis, remittimus et imperpetuum concedimus offerimus et donamus. Ut autem illi loco venerabili hec oblatio perpetua possit firmitate constare, nec aliquo iure, cognita possit ratione revocari, prebende ad quam predicta decimatio pertinebat, duo predia loco recompensationis aggregamus, que nuper sumptibus nostris a domino Willelmo filio Henrici Tironi comparavimus: quorum alterum est arboribus consitum et parietibus circumdatum, alterum vero via publica interposita terra laboratoria ad seminandum idonea, nec longe a civitate Mazarie, a Domino in perpetuum conservande. Addicimus etiam eidem prebende decimationem cuiusdam casalis nomine Kariani, quam nostris temporibus multo labore et sudore Mazariensi ecclesie acquisivimus. Hec omnia supradicta, predictae Mazariensi ecclesie nostris temporibus acquisita, prebendarium de Kala-

taphime volumus prebende nomine obtinere, et in suos usus, sicut ceteras eiusdem prebende partes ad arbitrium suum convertere (1). Hanc vero predictam oblationem illi loco venerabili imperpetuum profuturam ea condicione et ratione facimus, ut pena orrende excommunicationis imposita, neque nobis neque successoribus nostris ullo futuro tempore liceat hoc quod tam pia sanctaque devocione facimus in irritum revocare aut aliquatenus infirmare. Ut autem huius oblationis nostre pagina perpetua possit et stabili firmitate constare, nec ullo nostro vel nostrorum successorum tempore possit in totum vel in partem minus aut infringi, et sigillo nostro eam insigniri fecimus; et tam nostra et virorum venerabilium, qui interfuerunt, quam et patrum nostrorum subscriptionibus curavimus annotari et totaliter tibi Leonardo cappellano nostro scribere precepimus. Actum mense Decembris Indictionis III, feliciter. Amen.

✠ Ego qui supra Tustanus Dei gratia mazariensis episcopus concessi et subscripsi.

✠ Ego Gualterius Panormi Archiepiscopus.

✠ Signum Crucis proprie manus Rogerii Regini Venerabilis archiepiscopi.

✠ Ego G. (2) Agrigentinus Episcopus.

✠ Ego Ioannes episcopus Malte interfui et subscripsi

✠ Signum Sancte Crucis factum propriis manibus Riccardi
canonici mazzaricensis et melfensis.

(a) Tust.

B. C. P. Perg. di S. Maria del Cancelliere di Palermo in ms. di Antonino Amico, seg. Qq. H. 9, fogl. 198, segn. nuova. 206 antica.
Monast. del Cancell. in *Arch. di Stato di Palermo*, filza 367.

LI.

1170, Gennaio, Ind. III.

Avenello, regio iustiziere, per ordine del re dirime una lite fra Nicola, priore di S. Filippo, e Goffredo Frangipane. (« Privilegium divisionis terrarum Ecclesie Sancti Philippi dicte de Musel, et alterius Privilegij divisionis presentes »)

Anno ab incarnatione Domini Millesimo Centesimo Septuagesimo mense Ianuarii, indictione prima. Reppente domino nostro serenissimo rege Willelmo una cum matre sua Margaritha gloriosissima regina. Cum frater Nicolaus prior Ecclesie sancti Philippi altercationem haberet cum Goffrido Frangipane propter divisas Ecclesie sancti Philippi, ego Avenellus regius iustitiarius recepi per manus memorati Prioris litteras ex parte domini nostri Regis mihi precipientes ut irem ad sanctum Philippum; et secundum quod feceram una cum Willelmo Valerio divisas ecclesie tempore domini nostri Regis Rogerii et etiam secundum tenorem privilegij, quo munierat eandem Ecclesiam dominus noster Rex Rogerius, collectis bonis hominibus regionis, iterum facerem et assignarem eiusdem divisas ecclesie. Spettantis mense et indictione, iuxta regium preceptum, veniens apud sanctum Philippum, adhibitis mecum bonis hominibus regionis, feci sicut prius feceram cum Willelmo Valerio divisas ecclesie sic. Ab initio via que descendit et vadit